

圓覺經略疏之鈔卷第十六

於一

圭峯蘭若沙門宗密

於大鈔畧出

經理事無礙觀跡二一據法下略示觀門然觀門須親從口決聽受難可以文字釋之釋之即甚繁廣難為節略故但與連續本文而

於一

已下亦準之一理徧事者觀文具釋云謂能徧之理性無分限所徧之事分位差別一事中理皆全徧非是分徧何以故以彼真理不可分故是故一一纖塵皆攝無遺真理無不圓足二事徧理者謂所徧之事是有分限

永樂北藏

圓覺經略疏之鈔

第一八七册

此有分限之事於無分限之理全同非分同何以故以事無體還如理故是故一塵不壞而徧法界也如一塵既爾一切法亦然思之此全徧門超情離見非世喻能況此下又以喻釋之如全一大海在一波中而海非小如一小波

而於大海而波非大同時全徧於諸波而海非異俱時各而於大海而波非一又大海全徧一波時不妨舉體全徧於諸波一波全而大海時諸波亦各全而互不相礙思之釋曰上以海喻理以波喻事顯其徧義如全一大

海在一波中況無邊真理全在一塵中如一小波而於大海況一微塵徧無邊真理其非小大明各不壞相又同時全徧諸波海非異者喻真理全徧諸法中而理非多俱時各而於大海波非一者況事徧理而事非一故法

喻相對道理極明況觀門中此後更有兩重問答亦是躡此海喻而起可以文詳說不能引之或但用前喻足銷跡矣三依理成事者文云謂事無別體要因真理而得成立以諸緣起皆無自性故由無性理事方成故四事

能顯理者謂由事攪理故則事虛而理實以事虛故全事中之理挺然露現五以理奪事者謂事既攪理成遂令事相皆盡唯一真理平等顯現以離真理外無片事可得故六事能隱理者謂真理隨緣成諸事法然此事法

於二

二

既違於理遂令事顯理不現也經云法身流轉五道名曰衆生故令衆生現時法身不現七真理即事者謂凡是真理必非事外以是法無我理故事必依理虛無體故是故此理舉體皆事方爲真理八事法即理者謂緣起

事法必無自性無自性故舉體即真故說衆生即如不待滅也九真理非事者謂即事之理而非是事以真妄異故實非虛故所依非能依故十事法非理者謂全理之事事恒非理性相異故能依非所依故是故舉體全理

而事相宛然

下亦此

觀文上十門同一緣起

前前必具後後

後後亦具前前方成無礙義矣

約理望事有成

三依理成事門

有壞

五理奪事門

有即

七理即事門

有離

九理非事門

事望於理

有隱

六理隱事門

逆

有顯

四事顯理門

有一

八事理門

有異

十事非理門

逆

順自在無礙同時深思今觀明現疏今言下

二配釋經義但約觀門義而詳之即見文二一配觀門疏言覺下二釋經義經周徧含容觀疏二一第三下略釋觀名準法界觀此亦有十門疏既不敘亦不能繁引但略釋觀門名其辨事法無礙重重如要廣文即檢大疏

於一

三

大鈔言舉一塵徧一切法中者釋周徧義含一切法在自塵中者釋含容義一塵既兩下例明諸法故云周徧等結指觀名然雖略釋理猶未明今更以喻顯譬如虛空有其二義一周徧義謂此虛空普徧一切色非色處故

二含容義謂十方法界情器等諸法不出虛空中故如空既有此二義塵等諸界亦然以諸事法皆同真性而容徧故釋其所以明有云須彌元不有芥子本來空將空納不有何處不相容此釋乃都不曉此理須彌既不有芥

子又空二事總無將何容納將空納空無此理也智者詳之疏舉所下二正釋經義二一釋法疎如一下二釋喻三一正釋喻相疏空中下二配法釋義疏所以下三釋其所以問有何所以得令諸法如是融通無礙故疏答

云唯是真心等也然法相宗唯心之義但唯有爲生滅八識此宗究實唯是真如之心如起信備說此亦前後頻明就中普賢章約五教說唯心最廣今此意者諸事與真理既但是一真心源即此一心畢竟無生滅變異離一切相即名真理即此一心如

明珠能現諸相即名爲真理周徧含容時事故論開一心二門豈獨不徧不容邪疏皆如幻夢者猶如幻師能幻一物以爲種種幻種種物以爲一物等華嚴云或現須臾作百年等一切諸法業幻所作故一異無礙言如夢現者如夢中所見

廣大未移枕上歷時久遠未經斯須故論云
處夢謂經年覺乃須更頃故時雖無量攝在
一刹那如影像者一切萬法略有二義一皆
如明鏡含明了性一心所成故二分別所現
如影像故由初義故為能現由後義故為所

於一

四

現故一切法互為鏡像如鏡互照而不壞本
相華嚴又云遠物近物雖皆影現影不隨物
而有遠近疏與所依性非一異者如大疏第
二第三門釋然亦是法性融通之義謂事與
理若但非一便成理外之事即互相礙不可

相徧相容若但非異便成唯理又無事法可
說說何徧與不徧理唯一味亦無可徧可容
今則理事融通故得具斯無礙今具徧約不
異義言之其中常含不一義謂不異理之一事具攝
理性時令彼不異理之多事隨所依理皆於

一中現

此是與理不之一也

一若一中攝理不盡則真

理有分限失若一中攝理盡多事不隨現則
事在理外失今既一事之中全攝理多事豈
不於中現故華嚴序云理隨事變一多緣起
之無邊事得理融千差涉入而無礙故此次

云故得徧多等也然準華嚴疏述事事融通
所因具有十義一唯心所現故二法無定相
故三緣起相由故四法性融通故五如幻夢
故六如影像故七因無限故八佛證窮故九
深定用故十神通解脫故十中隨舉一義即

於一

五

見諸法融通無礙十中前六通約性爲德相
因法爾如是七約修因八約果德九十通於
因果今用四門即第一第四及五六也經頻
同佛境界二一大文下科分二隨釋經法中
疏總指圓彰等者經文從證得諸幻滅影像

故已來終於無壞無雜皆覺成之相也疏三
念境者諸大乘說佛於三種人邊心無有三
一惡心以刀割佛左膊二敬心以香塗於右
肩三無敬無惡不割不塗佛於割者不以爲
恨塗者不以爲恩不塗不割者亦無分別今
觀行成就之人只於觀行中時用心全同佛
也佛說三境今說八境但文廣略無別義類
若約能對之心行人即出觀時未除分別佛
則究竟如然經云不與者不許可也故孔子
數云吾不與也意是不許矣餘不求不厭等

中可知疏舉八境下乃至引證皆釋成此科
的是用一同佛之義意未說境恐見八境謂
是通論故揀之也次所引文即其次兩唱經
文便是經喻中疏無別分析者意明眼識但
有自性分別無計度等分別雜集論云分別

有三一自性分別二隨念分別三計度分別
今八識中第八識及前五識皆爲現量現量
所得自然於境顯也即自性分別也任運自然分別
不待起心籌量比度故如法華等者前二十
五有文中已說梵王計衆生爲子衆生計梵

王爲父諸經論皆判爲邪見西域一切衆生
從古來相傳有此妄計佛於法華經中乃自
云譬如梵王是衆生父豈佛亦邪見邪但且
隨俗易信易領之處而爲喻也今舉目瞠爲
能見之眼光非佛不解但隨俗可見之邇喻

於

六

之令解問此經淨土所說何有凡俗答經文
每段皆云爲末世衆生豈只爲諸菩薩邪若
只爲諸菩薩菩薩皆是極位豈不解此中諸
法而要佛說邪故知但以被於羣情故說經
也況下流通分中即八部等皆具經見境同

中疏二一近結下釋行成見境言尚見持毀者前但云不敬持戒不憎毀禁不言亦不分別是持是毀若見持毀等八境差別豈同佛見故先泯之云無修無成等也疏冥一如下二句是華嚴序文謂冥契本源而無能契於事於理無分別心亦非無記但不計有與不有與不空故千萬紛動之法自然不動不動即無二相故云寂滅無二疏即於下二釋見境無差二一釋依報平等二釋前諸句二一正釋法喻華嚴十大數者彼經僧祇品說

也言十者下應云一阿僧祇二無量乃至十不可說不可說等疏恐文繁故不列一二三等字疏亦如善財等者善財南遊歷諸善友總五十五人古德攝爲五相第一有四十一人寄位修行相初見文殊一人寄十信餘四十人如火寄三賢十地二見摩耶夫人等十一人會緣入實相三見彌勒攝德成因相四再見文殊智照無二相五見普賢顯因廣大相今則第二相也摩耶是佛母能生化身之佛表此等覺之位會前差別地位事相因緣入於一實同於妙覺諸佛

故名等覺等覺之智親生妙覺法報真佛故
以佛母寄於此位也得願智幻等者經云摩
耶告善財言我以成就菩薩大願願為一切
智權實二智也權智能起大願能幻有
成幻事實智即般若生佛真身幻義一願
智體虛當相名幻二即智解脫門是故常為
所作生佛等事皆是如也

諸菩薩母託胎生時未名佛也如我淨飯王家右脇而
生悉達太子現不思議神變乃至盡此世界
海所有毗盧遮那如來皆入我身示現誕生
見一切世界等者此位有十一善友今是最
後德生童子有德童女得菩薩幻住解脫故

見一切世界皆如幻住幻境自性即所入不
可思議經上皆評曰既於此位中始終皆幻由
觀諸法如幻故得入於一實等於諸佛名等
覺位正與此一科經同今科此云同佛同即
等也佛即覺也今經云諸佛世界如空華者

幻與空華義無異也疏染汙眾生等者彼經
云有世界海微塵數劫轉變差別所謂法如
是故世界海無量成壞劫轉變世界海下染
汙眾生住故成染汙法界品云大王未出大
禍眾生住故成染淨時泉池皆枯涸等故
人天福命多染少淨故
先云染法界品又云大

王今出世便信解菩薩住故成淨深地前未斷障故
非純淨淨多染等者等餘七句經有十句謂
少於先云淨也
衆生發菩提心住故世界純淨乃至十也三
成壞相者然世界成住壞空皆二十增減住
滿二十劫即到壞也劫欲壞時十九劫中壞

於二

八

有情類唯一劫中壞器世間壞有情者初阿
鼻獄等次鬼畜四洲六欲皆怖火災不造欲
界善惡等業皆習二禪死即上生更不生鬼
獄人天等十九劫中有情已盡次壞器界初
日光四倍熱次生三日乃至四五後七日並

現火洞然起氣衝初禪亦上生去世界既空
又經二十劫復又劫成初大風持界從二禪
天雲布三千界雨如車軸風遏不流結冰作
金輪次水輪先成梵王下界次漸成風鼓清
水成須彌七金等山隨成有情住穽濁爲四
洲乃至地獄鹹海外圍方名器界立二禪福
盡下生閻浮初有身光及餐地餅林藤自然
粳米後因漸惡光及地餅等滅即有日月及
耕種等以漸惡故生三塗等怖罪修善生三
洲六欲乃至梵世乃名成劫疏增減者人壽

上從八萬歲百年減一年乃至十歲又却壽增每生男女壽即倍父如是漸增還至八萬故名增減也續紛者撩亂之狀也疏問然下二通妨引證其兩重並如文可見疏明此下二釋後二句如文疏始知下二釋正報平等

於二

九

二一總銷經文疏然說下二別釋生佛三一叙意標門疏一者下二依門別釋二一略辨前五有部者薩婆多宗也經部即不爲此計唯悉達者餘諸有情皆無佛性終無成佛之分三無數等者此教意明從初發意六度修

行三無數劫五位伏斷十地滿足四智圓明於色究竟天受佛智職名成正覺相盡性顯者謂此教說一切衆生本覺真心本來離念不如實知忽然念起生住異滅念無自相不離本覺內外熏力始斷滅相終至生相一念相應得見心性心即常住名成正覺華嚴說十信等者經文云若與如是觀行相應於諸法中不生二解一切佛法疾得現前初發心時即得阿耨多羅三藐三菩提知一切法即心自性成就慧身不由他悟故彼疏釋云佛

智何深情迷謂遠情忘智現則一體非遙既言一切法即心自性今理現自心即心之性已備無邊之德矣覺心則理現理現則智圓若鏡淨明生非前非後非新非故不由他悟是自覺知一切法是覺他成就慧身為覺滿

見夫心性豈有自他寂而能知名為正覺一念悟時名為佛者謂無始迷倒妄認眾生一念悟時全體是佛如夢身相夢時非無悟即自身豈待長養故論云亦無始覺之異華嚴云若離妄想一切自然無礙等智即得現前

如塵破經出又廣博嚴淨經云有三男子請佛禮足作如是言世尊我等今於此法能信解不生疑惑第一男子白佛言若作是說我是如來此言便是正說所以者何我於此法不生疑惑

第二男子云是世尊第三云佛其辭皆同

爾時會中百

千眾生心皆擾動不安本座皆作是念無有二佛並出世間今此男子何故發如是言阿難騰大眾意問佛佛說偈印許偈云能知過去如亦知未來如見一切法如是故名如來不畏於生死正住生死中化度諸眾生是故

名世尊覺無明無知其性無所有已得於明
智是故名爲佛菩薩處胎經云或有衆生朝
發道心即得成佛諸大乘經其文非一達磨
禪宗即心即佛是斯意也疏六者下二具
釋第六二一正釋本來成佛者論云四相
俱時皆無自立本來平等同一覺故涅槃
論解微密義云身外有佛亦不密身內有
佛亦非密非有非無亦非密衆生是佛故
微密疏故華下二引證文有兩節可如理
詳之彼疏問云此中之成爲理爲事若是

事成云何皆同一性無性若是理成云何八
相疏自答云此是華嚴大節若不對諸宗難
以取解今約五乘五教而辨然諸衆生若於
人天教中觀之具足人法二我若於小乘教
中觀之但是五蘊實法本來無我若大乘始
教法相宗即說唯識所現無相宗即說幻有
即空人法俱遣若大乘終教唯如來藏具恒
沙性德故衆生即在纏法身法身衆生義一
名異疏云若大乘頓教則相本自盡性本自
現不可說言成佛不成佛等若依此宗華嚴宗也

舊來成竟亦涅槃竟非約同體此成即是彼
成難曰若爾何以現有衆生非即佛邪荅若
就衆生位看尚不見唯心即空安見圓教中
事如迷東謂西正執西故若諸情頓破則法
界圓現無不已成猶彼悟人西處全東也若

爾諸佛何以更化荅衆生不如是知所以須
化如是化者是究竟化如是化者無不化時
然上六門初門衆生無成佛義次門五分中
唯許一分半衆生定待三祇功滿成佛後四
門一切衆生皆許成佛於中三四妄盡覺顯

是爲成佛五頓悟無妄即名爲佛六本無迷
悟元來是佛又中間四門次次相望前延後
促又前二事成次二事同理成五唯理成六
皆無礙疏今經下三指經對示如文經稱實
同中疏二一躡前下釋前二句言能依之夢

者喻取相之心見生死涅槃可厭可求釋經
生涅槃如夢之言必有所依之人者喻圓覺妙
心也即此所稱之實平等不壞之性故科云
稱實同也神遊者漢武帝故事中說武帝欲
驗占夢者真虛乃召之假爲問曰朕夢見殿

上二瓦化為一雙鴛鴦飛去是何祥也占者對曰主宮中有暴死者語訖監司奏宮人相殺帝驚異謂占者曰朕之戲言何以成驗對曰夢是人之神遊陛下欲言即是夢也亦見聞氣分者智論說有五夢一熱氣多二冷氣

於一

三

多三風氣多四見聞多五天神與廣如彼說今說第四耳謂晝未睡時見聞事境多種故睡時雖六識昧略無所分辨而見聞氣分任運所緣由帶睡故虛妄顛倒名爲夢也但了夢體等者然餘喻皆帶自他唯夢喻剋體故

大瓔珞經說過去有佛欲說法時令大眾眠夢中說法令增善根覺得道果亦表萬法皆夢大夢之境必有大覺之明矣疏當知下二釋後四科四段經文如疏所列經偈諷中疏略於第一起行者釋長行四段偈頌唯三之

義也上來釋普眼章已竟經慶所悟中疏一切行位根本者萬行皆依信解真正故經云如來圓覺已下皆所依也漸次方便者能依也舉所依以貫能依揀無解之行顯是頓悟中之漸修故普賢用心之門猶通萬行況圓

信頓解那踰後必躡前者六科云前前不叙
後後後後必躡前前經難兩疑中踰躡前段
者由前普眼章云衆生本成佛道約文叙起
疑之所以疑有三句一謂先真後妄二謂說
妄爲真三牒而縱之責無窮過三句並如注

於

止

配踰此上三難下釋成難意言成佛義等者
天真成佛無所不成非除却妄染塵勞添益
真淨功德不增不減故衆生本來成佛亦然
故云等也故前云如來藏中無起滅故無知
見故究竟圓滿徧十方故生否應齊者謂生

與不生也踰文務簡故只著一否字衆生及
如來俱無生故皆應不生煩惱若云無中不
妨生者皆應生也因違現事者因位凡夫之
流現見貪瞋熾盛惑病昭然如何言無故云
違也進退下二句顯剛藏所述疑情也進者

凡同佛退者佛同凡皆有上失故不可也有
斯云者正指問目然佛頂經富樓那亦有斯
難彼云若此妙覺本妙覺明此云本與如衆
心不增不減無狀忽生山河大地諸有爲相
此云後起無明如來今得妙空明覺此云山河大

地有爲習漏何當復生此云何時復生一切煩惱將彼對此昭然可解經結請中疏二一據此下通釋前文諸典無文者但指古今所流傳當代之經論宗教衆皆傳習者悉無此文非謂都無佛頂經中亦有此問故如小提堰中水少礮

礮停廢亦名無水非全無水故疏序云了義匿於龍藏是以佛說權教云衆生無佛智慧亦據隱匿云無覆相者謂佛說法或隨自意或隨他意權實難測此義廣如懸談中辨疏開密藏者涅槃說具縛凡夫能知如來秘密

之藏疏由此標目者指經題也只由決了此疑故名了義經矣疏通論下二別解疑悔二一釋疑言疑者是根本也文二一叙四一通釋於諸下二句出體相能障下二句辨業用能障信心者信清疑濁故障善品者一切福

於一

古

利功德善法品類猶如寶山人若無手即取寶不得到即空迴信如有手疑如無手故不能取功德善法之寶是爲障也皆是唯識論文疏別顯下二別釋天台依智論說矣五蓋者一貪欲二瞋恚三睡眠惛沈四掉舉惡作

五疑也疑自者我是凡夫根鈍障重如何入得聖道疑師者彼人三業四儀如是豈能利我或疑云雖悟解精通豈能盡心教我疑法者依此而修豈定得解脫一切苦惱邪疏如有下三喻釋賢喻師藥喻法疏今三下四會

此經云已起者現疑也已現於心識故未起者謂鈍根人乍聞但隨語領解信受不解生疑已後遇人難之或自思惟覺理似乖又不解通決便生疑心聖人預防此事種種屈曲預為舉起可疑之處而通釋之金剛經節節

斷疑乃至經終二十七段亦是此意故天親論云自此已下一切修多羅示現斷生疑心示現者顯示也偈云及斷種種疑亦防生成心今皆舍者剛藏所問本為衆生衆生聞說本來成佛之言利根便生此疑起是已鈍根者當時但

且領受是未起也於一他日思惟或可始疑或因人將此難之或來世等方始起疑故云皆舍也疏然斷下二斷知境從心起即悟非定有了萬法皆無所得即知唯有真如是諸法之性餘皆例知者若疑無因果今觀十二因緣若疑

自性無恒沙功德妙用令觀恒沙煩惱一一空無自然翻染顯真皆成功德如論中說疏悔是下二釋悔言不定法者六位心所中不定有四謂悔眠尋伺也唯識云於善染等皆不定故悔謂惡所作業追悔爲性障止

爲業今據五蓋亦是定障而因掉後生悔掉有三業謂身好遊走雜戲坐不整安口好吟詠無益戲論心情放縱攀緣世藝諸惡覺觀然掉戲時未緣中後欲入定時方始悔前所作憂惱覆心故名爲蓋蓋者如作大重罪

常懷思悔悔箭入心後墜惡道若人罪能悔悔已莫復憂如是心安樂不應常念著反自疑悔者有二意一者不知自身心本空元是佛體心外求佛取相積功勤苦多時後悟佛在自心悔前妄苦轉乖真理如志公云得埋

反觀於行始知枉致功夫二者頓悟心同佛心是我真體四大緣慮皆同客塵遂委身棄命不顧榮樂或捨名譽或捨資財及聲色等心心趣佛念念還源如是多時但喜棄妄同真不久具佛功用後忽被人依剛藏問目難

破或因自思惟覺此妨難通決不得却自疑
悔悔前枉捨却衆多榮利等事未必即成佛
道經讚許中疏如來之密藏者依士釋迦如
來是人密藏是法依人顯法故下答者經云
生死涅槃同於起滅妙覺圓照離於華翳如

於一

去

是顯示秘藏即開剛藏所問本求此答三業
者動身發語之思及思當體也業具者身口
意也非色現色等皆如華嚴廣明也疏前頻
同等者準論中信根成就是初發心住即成
正覺故普眼章末觀成同佛義當此矣信根

者信若決定即名爲根根有二義一持自體
二能生長經長行中疏二一第四下科分言
正說者若但看經文直是剛藏騰前章經文
而難如來通釋而已若始終詳究更有甚深
意趣謂從經初乃至普眼章末以悟解力慧
已清淨未修習故心未清淨故剛藏知機爲
發此問佛責分別流轉之見及未斷輪迴之
過令覺未了章末又再勸云是故我說永斷
無始輪迴根本至彌勒問輪迴根本佛令斷
愛方是淨心之門慧淨心淨方成定慧之力

方得二皆解脫是故經文顯示修行之妙門也反覈起疑本者然答此問目可以神會難以言宣故先反覈令離名言相離心緣相悟其意深矣二正釋經總指輪迴中疏四蘊為世界者金剛經云如來說微塵非微塵是名微

於

十七

塵如來說世界非世界是名世界無著判為色及衆生身搏取中觀破相應行住十八住中第十住也色是色蘊及衆生身是四蘊經云微塵者析破麤色至於極微故經云世界者以不念方便破四蘊也析破麤色義法空章已釋彼經至

下又云所說三千世界則非世界等無著還釋云此破名身世界世界者衆生世界故許然彼云世界一向約情今此經中云世界則兼情與非情故上云總標情器謂有情世界及器世界也器為世界人盡不疑衆生為世

界學寡者即疑故引無著論唯證情界問何妨彼經云世界則唯約情如何定知此文兼情故疏下句答云若不約情何成輪迴况經文明言念念相續種種取捨皆是輪迴未出輪迴而辨圓覺彼圓覺性即同流轉譬如動

目等乃至法合末云何況生死垢心等豈可
但名非情又且諸經論皆說有情世間器世
間世間世界但名小異何信二種世間不信
二種世界又世界亦名國土國以人爲本故
人皆逃亡破散便云國破豈是山川土地崩

陷名國破邪故知世界兼人矣况經昭然跡
次六對中創變者一念業相轉成能見故變
爲境界相也極證者地位滿足捨異熟識也
問證極則出輪迴何以結云皆是輪迴答此
六對法皆是所計之境約能計之心是輪迴

故所計之境亦流轉今計度云世界最初從
心變起直至成佛方得終盡即此計度是輪
迴之見也權教學人計有染淨故云初變終
證此宗不然本無世界可除亦無法界可證
本亦非染今亦非淨故下經云本無菩提及

於

大

與涅槃亦無成佛及不成佛無妄輪迴及非
輪迴據此道理何有創變之始極證之終故
實教宗中指權教云但有教文而無實果跡
住劫等者成住壞空義如前釋現行等者就
情說也現行者能計心境相應時也調伏者

息伏其心令不起念念不起時境不獨立故皆指也如無想定或無想定或四空定之類也然前六對初二對通於情器次三對唯約器此一對唯約情也疏惑業襲習等者此中有三重展轉以明流轉之相三重者即當惑

業苦三道也謂惑是煩惱道即貪瞋癡等根隨煩惱業即業道謂善惡不動等報應即苦道謂三界所受身也此中猶約展轉枝末若就根本而論即由無明迷真執妄起惑造業輪迴受生此義廣如金剛鈔辨言襲習者襲

謂承襲即相續義習謂熏習即習學義謂後念習前念相承襲續展轉無窮綸輪者皆約喻以明報應無盡義如車輪轉疏文或可但云綸輪亦得淪者沈沒義沒而復出無窮無盡故云綸輪若依此文即不取淪字也然襲

於

九

習綸輪即成唯識中十二因緣前前為因後後為果之義於生老病死身復起無明故輪迴無有窮盡言無明無因老死無果者且約一周義說非不終而復始故唯識頌云由諸業習氣二取習氣俱前異熟既盡復生餘異

熟二取惑也餘可配知惑業皆是習氣故此
總云襲習劫波者此云時分大劫小劫長時
短時下至剎那皆名時分衆生從無始來經
歷碎世界爲微塵數劫及河沙數之劫輪迴
受苦相續無窮不可止遏惑業令休息滅絕
生死令窮盡莫者無也不也疏我我所者我
是有情我所是器界苦所依者是四大身餘
文可解經法中疎夢見實物者假如有人在
書窻下作夢還見卧書窻下雖身處皆實然
現見者元是夢也經喻中譬如動目等者喻

文有四對也初喻中疎言由目數動水成波
者如人動轉眼睛或手研捏眼角眼即所見
或傾倒轉動或一物成二種種迴轉一切皆
然今但云水者由水或時有不因目動自有
別緣而動搖爲波則動目者疑其自爾不知
因眼餘物不然故唯水喻次眼識鈍者釋定
眼也意取鈍滯不能迅速趣及乃見火旋成
於輪相故云定眼非謂凝然堅固永不移動
方名爲定如有人取一杖枝火燒頭邊半寸
已來炎赤便以手搓旋之即見赤輪之相杖

枝若長而稍曲輪相即轉轉寬大據其所見可若三尺二尺圍豈有半寸之火忽然寬展故知但是眼識鈍滯不迅速趣他火輪不及便似周圍皆是火也經但云眼者說時隨世泛言疏兼云識者釋義須刻取親能見者然

於

千

水波火輪但是眼之動定喻於圓覺中見凡見聖但是流轉妄心岸移月運但是雲駛舟行亦同此也駛者奔流急走之相經結指前疑中疏未是答難者有人造疏云從世界生滅至此是答初難空華喻答第二難金鑛喻

答第三難故此潛揀之不能形於名字矣次從然雖非正答下亦是通難恐有難云前若未是答難佛所說者其意在何故次通云已是標舉建立等經喻釋現起疑中疏二一二喻下科分二正釋經翳差華亡中疏喻釋佛

者佛地論云如睡夢覺如蓮華開等十義序分鈔中已釋疏一空者華也一有者翳也法合云縱使心迷者如翳有也生死亦寂如空華也經法合中疏此疑過深者非但疑於法之文義兼墮謗佛之科云佛煩惱此過非輕

經金鑛喻中疏二一金在下釋喻文銷頑石
等者應設闢並云鑛中本無金銷鑛金即出
頑石無金銷鍊金應生此是例破他也又云
鍊石金不出既由石裏無鍊鑛得真金即知
鑛中有此是反例成已義也故知真金但因
於一
銷鑛而顯不因銷鑛而有
主

圓覺經畧疏之鈔卷第十六